

Uorden da sunteri dal cumün da Ftan

Art. 1

La survaglianza e l'administraziun da quist uorden suprastà al Cussagl da cumün.

Survaglianza

Quel ha in special las seguaintas incumbenzas:

- a) da pisserar cha'l uorden vegna resguardà
- b) da trattar culs relaschats sur da tuottas dumondas in regard las fossas
- c) da pisserar chi gnia manà ün register da tuot las fossas.

Art. 2

Tuots cas da sepultura sun dad avisar dals relaschats o da l'ospital al büro cumünal.

Sepultüras

Il cumün ha da pisserar cha la fossa saja pronta a dret temp.

Medemmamaing vain avisà il caluoster da sunar il sain grond davo il sain da mezdi.

L'ura da funeral ha da gnir cumbinada culs relaschats e'l consistori da baselgia.

L'annunzcha al consistori da baselgia ed als spirituals a regard il funeral, sco eir l'organisaziun dal vaschè o da l'urna es chosa dals relaschats.

Art. 3

Per far las fossas tscherna il Cussagl da cumün ün pizzamort e stipulescha üna cunvegna da lavur cun tal. Quista lavur po gnir surdatta eir a lavuraints da cumün, per cas excepziunals eir ad oters lavuraints o ad impraisas.

Pizzamort
cuosts per far las
fossas

Ils relaschats han da surtour üna part dals cuosts. L'import vain fixà dal Cussagl da cumün. Per personas na stattas domiciliadas in cumün vaina inchaschè ils cuosts effectivs.

Art. 4

Ils relaschats sun respunsabels per la cultivaziun da las fossas, per implantar o semnar fluors natüralas e plantas chi s'afan sün nos sunteri. Plantas chi impedischan il passagi o chi disturban il purtret dal sunteri o chi sun plü otas co 40 cm han da gnir levadas sün uorden dal Cussagl da cumün.

Cultivaziun da
las fossas

Fossas da defunts sainza relaschats vegnan cultivadas in incumbenza ed a cuost dal cumün. Fossas cha'ls relaschats laschan a l'abandun

vegnan cultivadas sün uorden dal Cussagl da cumün. Ils cuosts pon gnir inchargiats als relaschats in lingia directa.

Art.5

Ils talers chi circundeschan las fossas ston gnir plazzats in lingia ed han d'avair las seguaintas masüras da la vart dadoura: lungezza 1.60 m, larghezza 0.60 m ed otezza 0.20 m da la vart suot, resp. vers mezdi.
Fossas da famiglia cun urnas han d'avair las seguaintas masüras: lungezza 1.20 m, larghezza 0.90 m.
Fossas d'urna singulas han d'avair las seguaintas masüras: lungezza 0.80 m, larghezza 0.60 m.
Fossas d'uffants fin 10 ons han d'avair las seguaintas masüras: lungezza 0.90 m, larghezza 0.50 m.
Fossas da vaschels normals han da gnir fattas minimal 1.50 m chafuollas, per uffants 1.20 m chafuollas.
Per fossas d'urna vala üna chafuollezza minimala dad 0.80 m.

Talers da fossas

Art. 6

Ils talers e las plattas da crap d'inscripziun davo l'ultima fossa nouva han da gnir levats dals relaschats tenor uorden dal Cussagl da cumün.

Register

Art. 7

Monumaints e craps d'inscripziun nu das-chan surpassar l'otezza da 40 cm per fossas e fossas d'urna masürà dal terrain insü.

Monumaints

Art. 8

Las fossas vegnan fattas seguond il turnus üsità. Scha quai nun es pussibel schi decida il Cussagl da cumün.

Turnus da las fossas

Art. 9

Il temp da pos düra almain 20 ons. Davo passà 30 ons pon ils relaschats levar la fossa.

Temp da pos

Art. 10

Urnas pon gnir suotterradas sün giavüsch in fossas da confamiliars o paraints scha'l temp da pos düra almain amo 15 ons.
Per levar urnas suotterradas tanter 10 e 15 ons ha da gnir dumandà ün permiss dal departamaint da sanità chantunal e dal cumün. Scha'l temp da pos minimal (15 ons) nun es scuors, ha l'urna da gnir spostada in üna nouva fossa.

Urnas

Art. 11

Il lö da las urnas singulas vain fixà dal Cussagl da cumün.
In fossas da famiglia pon gnir depositadas maximal ses urnas.
Per quistas fossas po gnir postada üna tabla da memoria vi dal mür dal sunteri in dimensiun max. 1.20 m otezza e 0.90 m larghezza.
15 ons davo deposità l'ultim'urna ha la fossa da gnir levada, schi fa dabsögn.
Il toc terrain a schnestra da l'entrada in sunteri sur la baselgia es reservà per fossas pitschnas (uffants fin 10 ons). Eir quistas sun da levar tenor turnus, schi fa dabsögn.

Lö per urnas e fossas d'urna da famiglia

Art. 12

Sün dumonda pon gnir fattas fossas cumünai-vlas per urnas. Il lö vain fixà dal Cussagl da cumün.

Fossas cumünai-vlas per urnas

Art. 13

I nu vain vendü ingün terrain per fossas. Per fossas da famiglia vain dat ün permiss be schi'd es lö. Il Cussagl da cumün ha da decider.

Vender terrain

Art. 14

Persunas sainza domicil in cumün pon gnir sepulidas be cun ün permiss dal Cussagl da cumün. La cultivaziun da la fossa sto esser garantida tras relaschats obain in pajond al cumün ün import pauschal ouravant. L'import vain fixà dal Cussagl da cumün. Per fossas düra il temp 30 ons respectiv fossas d'urna almain 20 ons.

Sepultüra per esters

Art.15

Il cumün pissera cha l'access dal sunteri saja adüna in bun stadi. L'inviern ha da gnir rumida la naiv e büttà siblun.

Access

Art. 16

Surpassamaints da las masüras da talers, craps e plantas vegnan avisadas als relaschats e dat la pussibilità da levar il surpassamaint in nomnand ün termin. Davo scrodà il temp vegn fat quella lavur in incumbenza dal cumün a cuost dals relaschats.
Cuntravenziuns da quist uorden pon gnir punidas cun multas fin fr. 500.-- premiss chi nun as tratta da delicts chi croudan suot ledscha penala.

Disposiziuns penalas

Art.17

Per tuottas otras dumondas regard uorden da sunteri e fossas na precisadas in quist uorden valan ils relatifs reglamaints chantunals.

Dret superiur

Art. 18

Quist uorden aintra in vigur cun l'approvaziun da la radunanza cumünala e rimplazza tuottas decisiuns valablas fin qua.

Entrada in vigur

Approvà da la radunanza cumünala dals 26 mai 2004.

Revisiun parziala approvà da la radunanza cumünala dals 11 avrigl 2006 e dals 29 mai 2007.

il capo:

sig. Reto Pedotti

l'actuar:

sig. Andri Florineth